

舊歷丁卯年四月廿五日

鼎氏家言旬刊

民國十六年五月廿五日

期六廿百一第

目錄

第二十八次家庭集益會紀錄
第三次家庭佛學會紀錄
耕心齋隨筆

徵求投稿並聘編輯助理告白

上海遼陽路聶宅發行

第二十八次家庭集益會紀錄

四月十六日第二十八次家庭集益會與會者老太太。雲台率光堃夫婦五姑太太率子女六太太率女七太太率光在十太太率子女少童及十一太太大姑奶奶炎少奶奶及弟妹翁姑太太曾寶葆茵兩女士曾約農先生共三十五人。雲台述上次紀錄並演其意次講人譜類記警衣服奢侈四條警衣服異製三條。講至劉丞相擊家法儉素衣服制度自先世以來嘗守一法不隨時尙增損雲台言近數十年來我國衣服時尙屢變實與今日紊亂之時局有密切之關係衣服華美實爲風俗驕奢淫逸之徵候未有勤儉之社會禮義之人家而衣飾時時翻新者試觀日本叢爾小島而國力強盛雄視全球雖英美猶仰其鼻息工商業尤爲列強所忌憚實由其人民勤儉過人也其勤儉之徵候亦可於其衣飾見之三十餘年前吾輩所見日人男女之衣飾與今日所見無所差異女人肯上包袱脚上襪履頭上髮髻衣服布料仍如昔日不獨此也乃至其家屋構造室堂陳設起居飲食禮儀風俗亦仍

循舊制杰嘗問上海內外棉紡織公司之總經理岡田君以日本近日風俗據岡田云日本教育雖重科學然對於固有文化則盡力保存故新學雖猛進而國粹未稍損即如婚姻制度日本仍以父母之命爲重蓋少年戀愛每每有感情而無選擇感情愈熱烈則觀察辨別力愈蒙昧不若老成人以明智審靜之眼光代爲選擇之善也又如祭祀禮儀亦保守古制每逢先人生忌等日則從彙中請出主位陳設祭祀云云又近日因新造庭園請一日本人來設計姓岸名八十八留之飯杰語之云我處止有蔬食供客岸君云我國素食時亦多如先人生忌等日亦多持齋也云云足徵日本之保存禮教善守古風殊不可及夫一國之強必賴有團結力人所盡知者也所謂團結力者古人所謂一德一心是也禮教者即所以使人一德一心者也禮者見於形式之義理以此爲教是名禮教故未有禮教廢弛而風俗能齊一者未有風俗靡靡而人民能一心一德者人皆知中國人心不齊日本人心團結而孰知其消息實係於禮教風俗乎日本之興賴三五元老善守東方之教義兼師歐西之藝能以成維新之功業此數

郵局掛號認爲新聞紙類

本刊每年取費二角

元老大都受陽明學之陶冶者。孔子之學淪喪於中土。而日本用之以強其國。東鄉海軍大將者。中日俄兩役之赫赫立功者也。嘗鑄一章曰。一生低首拜陽明。可想見其儒將之風度。我國青年不讀古書。不知治平之道。經濟之術。捨堯舜禹湯文武周孔更無他途。至於歐美之學。皆枝節之末務。苟無其根本。而徒具枝葉。決不能長久滋榮也。今中國人士震驚於西方二三新哲學之奇說。奉為不刊之至論。而以為中國舊說不適用於今日。而不知中國之教義。以良心為權衡。以古今事實經驗為依據。故千古不可易。今人學說。以我見為準。以一地一時之境為依據。故利於我者不利於人。適於一者不適於萬也。假令國之人不能自見我國古訓教義之精。而盲從西方政教學說。主義。則中國禍亂無有已時。他日平中國之亂。弭世界之禍者。必終求之於中國之學說。亦可決然無疑也。

文中子之服儉以潔。無長物焉。綺羅錦繡不入于室。曰。君子非黃白不御。婦人則有青碧。

盧懷慎。掌選時奉身之物。止有一布囊。嘗有疾。宋璟。盧從愿。候之見敝。簣單箱。門不施箔。風雨北來。舉簣自障而已。江湛為吏部尚書時。身無兼衣。值內召。適澣衣。遂稱疾。及澣就。然後入朝。

劉丞相擊。家法儉素。閨門雍睦。凡冠巾衣服制度。自先世以來。嘗守一法。不隨時增損。故承平時。其子弟雜處士大夫間。望而知為劉氏。

鄭子臧。出奔宋。好聚鷓冠。鄭伯聞而惡之。使盜殺之。君子

曰。服之不衷。身之災也。詩云。彼其之子。不稱其服。子臧之服不稱也夫。

司馬溫公做古製一深衣。謂邵康節曰。先生亦服此乎。曰。某為今人。但服今人之服。居恆烏冠。緇褐。見卿相不易。王心齋初見陽明先生。服古冠。手執木簡。坐定。問何冠。曰。有虞氏冠。問何服。曰。老萊子服。曰。學老萊子乎。曰。然。曰。止學其服。抑學其行也。心齋色動。其後在京師。以冠服異製。人情驚駭。遂招非詆。同門歐陽德諸人力促之歸。

第二次家庭佛學會紀錄

四月初七日為蕭夫人忌辰。晚間在本宅開佛學會。與會者。郭涵齋先生。吳覺初先生。段介堂先生。周端嵩君。及其子武期。尹任先君。賀嶽生君。葛滌寰君。疊聲。及各房用人等。約共三十人。

雲台言自去歲以來。杰始倡家庭集益會。近日又於家中。生忌日設佛學會。而以講員自任。非杰自謂賢智。好為人師也。天下事有利有弊。吾人日常生活皆與當前之生理有關。若不加研究。則不能辨別利弊。將受其害而不自覺。杰設此會。藉此討論當前之生理。理論孰利孰弊。何去何從。杰不過彙集我人處世有關繫之各問題。提其綱要。以相研究。並擇取古人有經驗之言說。以為師資。不敢自作聰明。但不敢不竭其愚誠。為之倡率。其言而有不當。則可引起各人之推究討論。共以至善為歸。杰亦得其益也。凡事理不辨。則不明。古今來學說歧異者甚多。此是而彼非。

有極端相反者。例如今日之學說。與古聖賢之說。絕對的不相容。甚者鼓吹非孝。倡導淫行。教人恣殺強奪。打倒廉恥。禮教。彼等認此爲至善。而中國舊有之文化教育。無一而非罪惡。要而言之。卽數千年之人。皆愚。不若今日二。三。西方學者之智也。然二十年前。一般青年。夢想革命。羣以共和政體爲至善者。今試驗十數年。與英日等君主國。比其成效。則學說理想。與事實經驗。殊不符合。蓋學說與法制。死物也。因人而異。若刻舟以求劍。膠柱以鼓瑟。未有不債事者也。今日青年。倡共產者。又專講學說理論。不顧人情。變幻不問事實經驗。彼等未知俄國。試行共產。完全失敗。制度已經屢改。初行共產制時。土地財產。概歸國有。農民雖爲地主。收穫之糧。須由政府。按口分配。不能歸農民私有。故不願盡力耕作。全國收穫大減。飢荒三年。餓死三千萬人之衆。三年中被鎗斃者。一百七十萬人。對於稍有財產者。輒指爲土豪劣紳。反動派而殺之。世界有歷史以來。無論政治法律。如何不良。決無死人如是之多者。後見農產減。工業停。知共產制度。種種窒礙難行。又改回經濟制度。准人私有財產。准人營工商業。而人民死亡痛苦。已不堪矣。又如工人爭減工作時間。加多工資。而多數工業停頓。則僅少數工人得其利。而多數工人受其害矣。凡此皆足證明世界學說理論。多有偏執。故吾人對於一時新奇之言論。不可隨意附和。須以明白之眼光。冷靜之頭腦。慎思而明辨之。以事實爲之證驗。以良心爲之權衡。庶幾不致大誤也。頭腦如何能冷靜。眼光如何能明亮。則須謹

從聖佛所教。去貪欲。去躁氣。佛家言離貪離瞋。卽能免於愚迷。諸葛武侯有言。甯靜以致遠。淡泊以明志。足與此意相發明。就是對於一切事物。要有節制。勉力克己。自然離貪欲。離瞋怒。自然會甯靜明白也。這是成聖成佛。做大事業。大丈夫的祕妙法門。列位不可輕視。以上所言。係要求明白。能辨別是非。抉擇利害。這是爲自己打主意的第一件事。世人都會替自己打主意。但是結果利害多。止緣辨別事理不明。所以取捨不當也。今與諸位談佛學。先講佛學。係何事。佛學者。卽係要人求智慧。要明明白白的做個人。何以故呢。譬如明白的人。見理明白。照之而行。卽得好結果。不明的人。見理顛倒。照之行事。卽得惡結果。我輩凡做一事。必有一結果。一動念。便有一感應。此卽名爲因果。明智之人。不妄造業。惡結惡果也。大智之人。并不敢動念。恐造因也。昔有元繆二人。先有恩。後成仇。元夜欲往殺繆。道經一菴。庵中一道士。道行甚高。見元經過。有奇形鬼物數十。隨之。少頃。回則金冠玉帶之神。隨之道士。次日訪元。詢其故。元言初欲殺繆。後思彼有老母。妻子不忍而返。道士以所見告之。曰。子一念惡。而凶鬼隨之一念善。而福神隨之。甚矣動念之可懼也。古今言因果感應之書。作善作惡。殃祥降於本身。子孫。并及後世。非虛言也。因果之理。如影隨形。不稍差爽。我人生世。而一生之命運。已定。可憑八字推算。而知佛家名之曰業命。卽前世所造善業惡業。以成今生之命運也。此命非天所與。非神所定。乃自己所造也。語曰。要知前世因。今生受者。是要知來世果。今生作

者是。列位有自覺今生之命不佳者。則須努力以造後日之新命。不可怨天。不可尤人。惟有存心爲善。確實可靠。切勿以爲無錢。則不能爲善。須知錢少之人。最易行善。錢多之人。反易造業。善之大小。以心之真切。不真切爲準。不關出錢之多少也。明朝有江西舒翁。教館兩年。積束修銀十二兩。臘月回家。舟泊一處。聞一家哭甚慘。問知爲賣妻以還官稅。舒君問其數。爲十二兩。即與同船十數人商之。欲各出一兩。救全其一家。各人皆不答。舒君無法。即盡出己之所有。悉數付之。舟中火食費亦無。忍飢到家。呼妻炊飯。妻云。何處得米。翁言借之。妻云。借已多。待汝還耳。翁以實告妻。妻云。如此。則我有尋常家飯。可覓同飽也。即往山中。共拾苦菜。和根煮食。充飢。夜聞窗外鬼唱云。今宵吃苦菜。明年生狀元。次年果生子。名芬。果中狀元。十二兩並非多數。然其心真切。且當時並毫無求名利邀福報之心。故其功德極大。所以行善不在錢多也。至於富人行善。每每出於敷衍應酬。或則爲求福報。免災禍。而做功德。所以富人出錢行善。未必爲功德也。而且爲善者。不一定在錢。昔有士人見其亡父。示夢云。汝做人當如鎮江太守葛繁。此人冥間皆禮敬之。士人果如言。往求教。葛公云。某力行善事。四十年無虛日。問如何爲善事。答云。時時處處皆有方便可行。因指座旁踏足凳言。如此物置不正。則碍人足。某即爲正之。若人渴與之杯水。皆利人事也。幾徵言語動作。皆有可以利益於人者。自卿相至乞丐。皆可爲之。云云。可見爲善機會甚多。但有真心肯盡力。則時時可行方便也。所

以古今來聖賢大人物。多從貧家生出。而富貴家子弟。反多不肖。可知貧人易積功德。而富人反難耳。因果之理。至精。幸共努力可耳。

耕心齋筆記

英國佛學之漸盛

日本佛學英文雜誌。名少年東方者。爲帝國大學佛學青年會所出版。本月號有一短簡。言昔時西人對於佛學。完全隔膜。視爲拜偶像及迷信。近日則歐洲各國。多數學者。及思想界。研究佛學。大具熱忱。於英國所出佛學雜誌。足以徵之。此雜誌爲倫敦佛學會出版。名曰英國之佛學。每月發行一冊。其編輯爲 Mr. Arthur C. Marsh 及 Mr. Ch. istmas Humppreys。其經理人爲一女士 Miss Aileen M. Falkner。內容豐富。尤注重大乘。此爲一至可欣賞之消息云云。少年東方社。可爲代訂該雜誌。其一年報資爲七先令又半云。

徵求投稿並聘請編輯助理員告白 敬啓者本刊索閱者日多。近已達千三百份。而鄙人學識精力。兩俱短淺。深懼無以副閱者之望。茲求 愛讀本刊諸君子。不吝教誨。賜投稿件。若蒙選輯。古人名理論。尤所欣感。再如有能任編輯助理之職者。乞賜介紹。先惠樣稿。如合格。即當約談。此啓